

أحزان حية

ديوان شعر بالعامية

الطبعة الأولى

2020م - 1442هـ

ديوان العرب

للنشر و التوزيع



ملحوظة: حقوق الطبع جميعها محفوظة للمؤلف

عنوان الكتاب: أحزان حية

اسم المؤلف: أحمد جمال

التصنيف الأدبي: ديوان شعر بالعامية

رقم الإيداع: 2020 / 19156

الترقيم الدولي: 6 - 64 - 6830 - 977 - 978



تصميم الغلاف: د. محمد وجيه

التدقيق اللغوي: د. هبة ماردين

التنسيق الداخلي: د. محمد وجيه

رقم الطبعة: الطبعة الأولى

المدير العام: د. فادية محمد هندومة

دار ديوان العرب للنشر والتوزيع - مصر - بورسعيد

جوال: 00201211132879

البريد الإلكتروني: mohamedhamdy217217@gmail.com

حقوق الطبع والنشر لهذا المصنف محفوظة للمؤلف، ولا يجوز بأي صورة إعادة النشر الكلي أو الجزئي، أو نسخه أو تصويره أو ترجمته أو الاقتباس منه، أو تحويله رقمياً وإتاحته عبر شبكة الإنترنت، إلا بإذن كتابي مسبق من المؤلف أو الناشر.





أحزان حية

ديوان شعر بالعامية

أحمد جمال





إهداء

إهداء ليكوا

وإهداء ليا

إهداء للأحزان الحية ...

أحمد جمال

إهداء ليكوا

إهداء ليكوا وإهداء ليا إهداء للأحزان الحية
 إهداء للأهل الي تشجع إهداء للصحبة الي تساعد
 إهداء للحزن الي يبوجع إهداء لي بيفضل واعد
 اهداء للمواعيد والفرقة إهداء للوحدة وللحرقة
 إهداء لبكنا طول الليل إهداء للشعر.....
 إهداء للعمر وللذكرى
 أحلام بتموت وهيحي بكره من عارف بكره مخبيلي ايه،،،
 حياتي أصبحت بتبوش
 وطول ما القصة فيها وشوش
 هتفضل جوايا الأحزان حية
 وطريق مسدود جوه عنيا
 فترات في حياتي بتتغير
 والناس بيقولوا أنا متغير
 وبكلم نفسي طول اليوم

إنسان مهموم خالي وبهتان
إنسان مختل مريض تعبان
بيداوي جراحه بأفراحهم
وبيعالج نفسه بالعتمة
ويصرخ وقت مايجي الليل....
شروخ الحيطه والقهوة وعزف الناي
وشريان كان ييضخ الدم
وكام تفصيله في حياتنا
قررت أبعد قررت أنسى
قررت بأني خلاص هرتاح
لكن أمته..... لسه شويه!
لسه الأحزان جوايا حيه

وجع القلوب

جراحنا من كثر الوجع أصبحت بايشة
 والجسد مكسور ومحني
 والروح جواه مش عايشة
 وجع القلوب مش سهل
 ولا عمرك تقدر تداويه
 بيضل ينهش فيك
 وبالعمر تكبر بيه
 وجع القلوب ك نزع
 وأنت مجرد ضحية
 بتعاني طول الوقت
 وحياتك تصبح منهية
 تبقاهم ذكري ونسمة طيف
 وإن جيت علي البال باجي ك ضيف
 وبغيب عن ذكراهم بالوقت

لكن لو نصحوني زمان
كنت أنا صدقت
وبعدت عن كل تجاربه
تعرفوا ايه عن وجع القلب
وجع القلب بيشبه جيش
مطلوب منك أنت تحاربه
تتمادى جراحك.. تزيد في شروخ
تصبح باهت بايش مشروخ
وحياتك عتمة مفيهاش نور
تحارب لجل تكون منصور
فترجع تاني للمعاناة
تعيش مكسور
تشيل الحمل فوق كتفك وتتألم
تقابل حد م الي أذاك
بتنسى إنه في يوم وجعك
تبوسوا وأنت بتسلم

غبائك طيبتك الزائدة

مفيش فايدة

هتفضل في الجراح مدفون وهتعاني

لسه مايينكم فيه نزاعات

بتشبه حرب

طب لو شلنا الحرف الأوسط

تصبح حب

وهنسى الأوجاع المرة

بس نصيبنا إن احنا ندوب

نقابل ناس ونتعلق

وبعد مرور شهور وسنين

نهمل بعض نتفرق

فتمشي في سكة مش سالكة

مالها الطوب

تقابل خلق فيها البعض يشبهلك

بيعانوا من وجع القلوب،،

يوم فراقك

نبضي يومها وجعني مَرّة
شوفت فيها الحلوه مُرة
وصوت صراخ داير في ذهني
شوفت بعيوني طشاش
صبحت يومها شبه منهي
وجرحي كان ملفوف بشاش
بعدها الكسرة جاتي
وقلبي رغم جروحه عاش
بس عاش في شروخ جراحوا
يسكن القهوة ومرارها
ورغم إن ناره قايدة
بس كان ييطفي نارها
كان مابينهم سوء تفاهم
اتقلب يومها لخلاف

هو تبت هيا سابت
هيا بعدت هو خاف
والدموع سكنت عنيه
كان يوماتي يضل يسرح
في القمر ويقول له
ليه تعذب قلب حبك
شاف ملامح حبه فيك
ليه بتقسى وليه تجرح
الخلاف زاد عن حده
بس كان مفروض توضح
يومها إن الحزن صابني
صاحبي عابني وقال شيل
كان طريقك كله ورد
وأنت فضلت البديل
كنت بتفكر ساعتها ازاى تحب
والنتيجة صبحت مدفون في الجراح

أربع حيطان والقهوة والعتمة
وكل شيء اتعلقت بيه سابك وراح
بص جوه عنيك تلاقي لمعة من حبس الدموع
هيا سابت دون ماتلفت ضهرها وتبص ليك
فبلاش تفكر في الرجوع
عيش حياتك وأرجع احلم وابني ذاتك
أنت بايش م الجراح من يوم فراقك

الحزن زاد

الحزن زاد وشوشنا باهتت م الدموع
 فبين الرجوع الي اتعهدنا على الزمان
 فبين الحنين الي افتقدناه في البعاد فبين الأمان
 أنا قلبي صبح في البعد حنين
 بيزيد في أنين لو هتغيبي
 إياكي تقولي لحد أنا مين
 أو حتى في غيابي تعيي..
 أنا سايب ليكي صورة هيا لوحدها تكفيني
 هنساي وهنسي جراحك
 وانسى كلامي معاي
 لو حتى صحيح هنفارق
 مش فارق برضوا معايا
 أنا عايش عمري بفارق
 أقرب الناس جوايا...

فمفتكرش الفرح ممكن إنه في حياتي يعود
كنتي ليا دوا لجرحي
وكنت ليكي كل الوجود
فاكره لما غيبتي عني وحالي أصبح شيء عديم
جرحك أنتي كان لقلبي
أسود بتنهش في جرح أليم...
كلمتين حابب أقولهم أسمعهم
أفهمي معنى جراحي وحسي بيهم
لو نفكر في الرجوع
هنزيد حياة
مفيش حياة بتكمل خصوصاً بالدموع
الدمع بقى بيحف
وجراحنا رافضة تخف
والصبر بقى نافذ
ضيئي قرار لينا
يكون لقلوبنا حافز

جازي نخطي البحر
 ونكون سوا علي الشط
 دالشط لنا حياة
 وحياتنا حوالها خط..
 والخط بكرة نمسحه ونمحيه
 وأنا نبض قلبي ساب حنينه ليكي
 إذا كنتي فاكرة جرحي متداوي
 أنا جرحي آه بدويه لما بفكر فيكي
 فاكرا ليالي زمان ولا عمري هنساها
 هفضل أعيد فيها وأعيش عمري أفكرها
 ولو لسه عندك أمل لرجوع ليا
 قلبي أكيد مليون عطف وحنية...
 وأنا كنت عارف إن قلبك حنينه فارطة
 وإدما ليكي حطني في ورطة
 حننتي قلبي بالرجوع ليكي
 نبض الفؤاد محلاش غير ييكي

يا أم العيون سمرا
ولون الخدود حمرا
أنتي جمالك وصف
يا أميره الأمرة...
فملوش لزوم إننا نبعد
يا قلبي والله أنا كنت متأكد
إن الفراق بينا ملهوش أي لزوم
ولا كنت متخيل في يوم إننا نبعد
أصل البعاد بينا كان بس وقت النوم
فاكرة أوقات الفرح لما جينا نغني
زيلتي الهموم عني
وصارت سحابنا غيوم
سالت دموع المطر
زالت كيان اتجرح
صابوا سهام الفرح
والفرح كان بيكي

ياللي عيونك سود
سلمت قلبي إليكي....
وأنا عندي وعدي ليكي
ياللي الوعود كات ليكي
أنا بدعي نبقي لبعض
وأنا عند وعدي شاريكي

مساء الخير

مساء الخير على المجاريح
هففض لي يسمعي
وهبقي من البداية صريح
هعبر عن حبيب بالوصف
ملاك تشبه لخور عين
ورود مرسومة علي الخدين
جمال لو شوفته تفاصيله
جمال يطلق علي الحلوين
حبيبي حياة
بنسى في قربها المعاناة
بتبعث طيفها لما تغيب
وترسمها النجوم لحبيب
يسرح للقمر بعنيه
يشوفها في القمر طالة

حبيبتي في قربها والله
 بشوف الدنيا ١٠٠ طالة
 مبالكوا لما فجأة تغيب
 وحلم يموت وحد يسيب
 وطرف يعيش حياة تانية
 وطرف يحس بالتعذيب
 أنا في البعد متحاوط بطيف ريحتك
 وفاكر كل تفاصيلك حتى شكل تسريحتك
 بصبر نفسي بالذكري
 واعدى اليوم بكل هموم
 وخايف برضوا من بكره
 وخايف من سواد الليل
 بقيت بشبه إزاز مشروخ
 أنا حد اتهان من أغلي حبيب
 باهت من جوه ومكسور
 وعائش يومي حد كئيب

بشرب قهوتي السادة
وبسرد جرح
مفيش في حياتي نسمة فرح
بقيت من أكثر أحزاني ك طيف بادش
أنا عايش

أعراض إدمان

ياروح ساكنة تفاصيلي
 أنا أدمنت تفاصيلك
 وريححة طيفك وحنانك
 ولمحت الورد في بستانك
 بيعطر نفسه بطيف عطرك
 أنا لما شوفتك قلبي بات مكشوف
 صبح الحنين ييطوف
 همسلي الشوق بطرف عينه كسوف،
 فصبحت شاعر بوصفك تفاصيل
 وصبح ما بنا وعود
 وكنت ليكي بميل
 وكنتي ليا دليل
 ومشيتي عارفة إني أدمنتك
 وخلفتي وعدك إننا هنبقى



أنا كنت ببني في حلم
صبحتي بتهدي
أنا كنت بنسالك وأنتي بتعدي
وفضلت ماسك وأنتي بتسيبي
فصبحت عاجز إني أبقى سعيد
فظهر عليا أعراض بشبه كيان مخطوف
عصبي وعنيف لكن
وسط الضلام ساكن خايف يقابل حد
سابت في قلبه شروخ وعملت مايينهم سد
كان ايه لزومه الوعد
طب ليه ساعتها قلتي هقبالك
وإني حد جميل ترتاحي تحكيه
وتحكي لصحابك عنه مين هوا
وازاي قدرتي توضحي تفاصيله
كان أيه لزومه كل ده يتقال
لما أنتي حاسة إن حي خيال

سبتيني واقف في الطريق وحدي
ومشيقي بعد ما قولت حبيتك
وقولتي عني كنت أغلى حبيب
مظهرش يومها عليا أي أدمان
لكن أعراض أدمنها ظهرت
لما قرارها جه فجأة تغيب...

كلام مدفون

جوايا كلام كثير مدفون
والعقل اتشتت بوجوده
محتاج الفرح يكون موجود
محتاج لورود
محتاج لحبيب يسكن جوفي
محتاج صاحب يبقالي سند
أقدر وياه أهزم خوفي
أنا لسه بداوي شروخ قلبي من أول حب
من أول حد اهتميت بيه
من أول رمح اتصبت أنا بيه
لسه معلم
ولو شايفين من حقي إني أسكت
فأنا هتكلم
وهطلع أحزاني البايشة

قدامك شاب أصبح مختل
 كل الي تمناه ضاع منه
 ومبقاش بي فكر ايه الحل
 حابس نفسه طول اليوم
 ببيكم أغراضه البهتة
 كرا كيب قدامه مفيش تنظيم
 بقي شخص عديم
 ساب الحلم الي زمان رسمه
 ودافن روحه ما بين أحزانه
 تفتكروا يلاقي الراحة ازاى
 تفتكروا ازاى
 أنا حاسس إن البعض منكم مل
 لكن يمكن صدقتوني
 لما قولت أنا مختل

حالة لامبالاة

بتصاب بفويا من المخاليق
وإن فات امبارح كان ينعاد
وحيطان الأوضة عليا تضيق
وجراح بتدوم وتزيد في هموم
فبيكتب قلبي يزيد ألمي
فمبالك لو كنت مكاني
وعايش يومك حد كئيب
تقابل حد غريب عنك
وبعد مايبقي مايبينكم رابط
فجأة يغيب
تسأل عن حاله واياه أحوال الدنيا معاه
تكتشف إن حياته سعيدة

وأنت الي تحس بالتعذيب
في الأول والآخر ده النصيب
ونصيبي إن أنزل من بيتي يومها وقابلك
واتعلق بيكي بنظره عين
أنا كنت بحيب تذكرة للسيميا
ورغم إني لوحدي طلبت اتنين
ومشيت يومها وأنا متأكد إني هقابلك
شوفتك بعديها بكام يوم
مرسومة الضحكة علي خدودك
خفت ساعتها لما أصارحك أغير مودك
بس صارحتك
وخذت جزائي
إني أتعذب وأبقى وحيد
وإني ألعن أيام عشتها قبلك وبعذك
وإني ألعن بالي لو كان رافض النسيان

وإني أكتب ووصل لحالة لامبالاة
حتى الضحكة بتطلع أوقات
بتشبه صرخة بقولت آه
أنا واحد من كتر جراحه
لو شوفته تقول يا حول الله

اسمعنا يا ليل

يا ليل مالك ماتسمعنا
 وجعنا ليه بيحلالك
 وليه دايماً مفيش في نجومك الرأفة
 وليه بيشغلنا تفاصيلك
 ومهتمتش بينا في يوم
 بتقسي علينا وتبدل فرحنا هموم
 بقينا نخاف من المخاليق وبنعاني
 ولو نكتب كلام عنا
 نلاقي الجرح زاد ثاني..
 ليالينا بتشبه حرب
 وأنا في الحرب مستنزف
 جراح من كتر أحزاني أبتدت تنزف
 أنا ساكن سمار الليل
 وبعشق قهوتي سادة

شروخ الحيطه برسمها
فترسمني إزاز مشروخ
ف بسر ح في الي ضاع مني
وده لأنني دفنت جراحي مدوتهاش
والبنت الي حبت فيا تفاصيلي محبتهاش
رفضت بياني أكون شفقة
وده الحال الي كنت عليه
تشوف اللمة في عيوني
وصراخ يبطل من جوه
تحسوا بوجعي وبضعفي
وفجأة تقولوا مش هوا
ده حزن الليل مهما كان بيسيع
يشوف أحزاني ميسعنيش
وده لأنني كبت الجرح جوايا
فلو تسمع ياليل اسمع هفضفضلك
هعبر بالي أنا شائلة وهقدر أعيش

أنا بدونك صبحت كفيف

بداري اللمة في عيوني
 ودمعة بدمعة نازلة ترف
 وشكلي يشبه العاجز
 أنا جاز أكون بخرج
 وعاش يومي كالعادة
 لكن من جوه طيف بايش
 ودرد وجعي بزيادة
 بخطي برجلي علي القهوة
 وبطلب قهوتي مضبوط
 بحس بطعمها السادة
 بطلع فوني أشوف الشات
 وأعيد كل اللي كان بينا
 لكن دلوقتي حبك مات
 وقلبك زاره طيف تاني

بدأت أكتب عن الي أنا فيه
ووصف التفاصيل بمعاني
هقول تاني
ياحلم عديم يا جرح أليم
يافرحة بتختفي بشوئش
ياحزن أتملك في وريدي
أنا طالب منك تنسيني لو فكراني
أنا عارف إن النبض عنيد وأنا في
وإنك هتساعدني أنساكي
بتجاهلك ولأنك ذكرى
من جهلك سبتيني لبكره
يحطم فيا لكن بكره بتاعك باعك
ضافلي الفكرة
أكتب عن جرحي الي بسببك
وألعن فيكي
كنت أزعل منك أوقات

وأجي أراضيك
رفضت إن أنا أنساكي
لقيتك انتي نستيني
جرحتيني

كويس بس من بره

قدامكم من بره كويس
لكن كن جوايا حزين
لكن من جوايا حزين
وكاتم جرح جوايا بقاله سنين
ومحتاج حد أفضفضله
بقيت من أكثر أحزاني
بدوس علي الجرح من تاني
ورغم من الي حواليا
لكني في وحدتي بعاني
وبسكن جوه جوف موجوع
بقيت بشبه خيال علي الأرض
مليش في العتمة أي وجود
عشتها بالطول قبل العرض
وكم من السعادة محدود

أنا بهتان من الي أنا فيه
وعايش في اكتئاب دايم
وصلت لحالة لامبالاة
حتي الضحكة لو طلعت ما بين له
بتشبه صرخة بقولت آه
فمهما سألت عامل ايه
هرد وأقول أنا كويس
لكن تعبان يا بني آدمين وعهد الله

بهواكي

محبش قلبي روح غيرها
ورافض إنه يعشق حد
وتمسك ويغافر
خلاص الحب بقى كافر
بينهش فينا بالأشواق
محدث فيكوا حب بمجد
إلا من العذاب كان داق
عذاب الوحدة واللحظات
عذاب المشي علي الطرقات
عذاب صوتها لما كان يغيب
عذاب الليل والفرقة
عذاب الخوف والحرقة
عذاب لما يعدي اليوم
وخايفة تسمعك صوتها

لتسأل بس مالك خير
 عذاب الحب أمَّ عذاب
 أنا حببت ملاك طاهرة
 وطفلة صغيرة في الحب
 وقلبي حقيقي من غيرها
 ميحسش حلاوة الحب
 باختصار وبدون مجاملة
 في حبيب شغلاه النجوم
 كل يوم يسهر معاهم
 بيناديهم... ويحاكيهم
 عن ملاك شاغله عينه
 والسحاب تسمع فتضحك
 دمعته الفرحة بتسقط علي الجبين ونقول مطر
 وفي الأساس دمة فرح
 قلب بيحب بغباء
 كل شيء في الدنيا هين

إلا صورة قصاد عينيه
إلا صوت بيدور في ذهنه
إلا لمستها وهمستها
وصوتها الي يداوي جراح
إلا ضحكتها
إلا باب بيتها الي شافوا
إلا نظرتها وهمسها بشوئش
دانا كنت في الوحدة زمان عايش
دلوقتي رافض إني أعيش
شوفتك محبتكيش
بس أنتي وهماي وعجباني
كل الكلام الي اتكتب
كان وصف إعجابي
لو وصف حبيتك
كنت أداريكي برمش العين
يا لي جمالك طيف ونغم أفراح بتدوم

أنتي جمالك لون في حياة إنسان مهموم
أنتي النصر لقلب التجرح وبات مهزوم
أنتي روح لملاك جواكي
مش عارف بصراحه اكتبلك
حببتك ولا أنا بهواكي

وأنت نايم

وأنت نايم فوق سريرك وسط ليلك،
شوف بقلبك كُل شيء
مين ساعدته؟ مين ظلمته؟
مين بسيف اللوم قتلته وكان برئ؟
مين حاولت تزوره... صدك؟
مين حاولت تروحله.. ردك؟
مين زرعت ورود عشائه.. حط قلبك ف الحريق؟
وأنت نايم ف الظلام..
شوف ف عُمرِكَ باقي كام !!
تلقَى عُمرِكَ كله راح.. والي باقي والمُتاح
لو تحارب للذنوب.. مايساويش نُص الفريق.
يعنى_توب_خليك_جريء

يأرتني ما حببت

عجبتني بنت جميلة
 وجمالها ملوش أوصاف
 قتلها أنا رايدك
 وبلاش نكون أغراب
 بصتلي باستغراب
 والصمت بيكمل
 وقفت بتأمل
 وازدادت المواعيد بقينا نتقابل
 نخرج كثير مع بعض
 وآخر الليل جفن العيون يغفل
 لكن قلوبنا ك رعد
 صوت القلوب مسموع
 الفرحة قادت شموع
 وصوتها لما تتكلم

وضحكتها وسط هزار
رغم إن بنا كسوف
الصمت كان منها
كان كلامها خجل
لكن سكوتها عتاب
كان الثواني ف بعدها أمرّ عذاب
لما تكون جمبي الساعات بتمر
ببقى ويايا والشوق لا بد يزيد
لو غابت عني بدوق ف غيابها المر
وأحلى أوقاتي لو التزمت بالمواعيد
فجأة أخذت قرار إني هتمسك وعافر
وإني هبqالك
ونتقابل قصاد الناس وأنا حلالك
فكان لا بد السفر الحال يادوب علي القد
قلتلها نتقابل علشان أوضحلك
واعرف أتكلم وعن حالي أشرحلك

قتلها أنا مسافر علشان نكون مع بعض
 قالتلي اطمئن وأخذت منها وعد وقالتلي هستناك
 سافرت واتمرمطت علشان أحافظ علي العهد
 جهزت حق العفش والشبكة والليله
 والشقة جاهزة واقفة علي التشطيب
 مرت سنة وشهور ف الغربه وأنا لوحدي
 حجزت تذكري وكان لابد أرجع
 الفرحة مش سيعاني وكياني لونه مخطوف
 وصلت بيتي خلاص سبت الشنط علي الباب
 سلمت علي أهلي من لهفة بعد غياب
 قلبي تسارع نبضه وسالت دموع الفرح
 بدأت ف التوضيب خلصت بيتي تشطيب
 كلمت أهلي وروحت خبطت علي بابها
 فتح أبوها الباب بصلنا باستغراب
 فسألته عن بنته
 الرد كان صادم

أنا بنتي مخطوبة
حصلي حالة فزع
وقلبي اتجرح واتهان
بقيت وحيد.. اهنم زاد والهنم مات
ملقتش ليا شريك ف الوحدة اشكيله
حاولت أشكي لمذكراتي
الدمع سال علي الورق والهنر جف
الهنر عدا واتسرق وحناة واقفة،
كاره حناتي ومليت
وقلبي بصرخ م الونع يارتنى ما حببت

بحبك

جمالك طيف يبخلالي
 ياريت لو بس تبقيلي
 وأقول للدنيا دي خلالي
 واطوف بيكي البلاد وأجول
 أنا والله حبيتك
 وخبيتك في جفن العين
 صحيح الوقت مش ملكي
 والاستقرار محتاج مجهود
 لكني هفوت وهحفر في الجبال اسمك
 وأكون رسمك وأكون ليكي الي تتمنيه
 وأكون سنده وأكون ضهرك
 وأحقق الي تحلمي بيه
 نشيب مع بعض أنا وأنتي
 ونحضن كف أحلامنا

يزيد العشق
فتزيد في القصص عاشق
يقول الحب ضيف حبيبين
نلاقي الفرحه جوه العين
وننسى الدنيا بالأوجاع
نرجع حلم لو كان ضاع
ونسكن بيت يكون لنا
نشوف أولادنا يبتسموا
ويترسموا لملايكة لطاف
نعيش الدنيا بالإنصاف
وتحلى الدنيا في عنينا

ياريت تهتم!

البعد بيكوي وبيعاند
 أوقات بنبات علي صورة حد بنشتاقله
 وعنينا كأنها بحر دموع
 كنا بنسهر علي ضي شموع
 ونتكلم ويعدي الليل
 وأشوفك واقفة الشباك
 بحسك جمبي وأنتي هناك
 بغمض عيني والتخيل
 ملامحك وأنتي بالفستان
 ورقّة كلمتك عشقاك
 حياقي وعمري كله فداك
 كلام ييطيب المجاريح
 ولأني معاكي كنت صريح

بلمح بس تبقيلي
هسافر بس تستني
لقيت الدنيا بتغني
ولقيتك قولتي هستناك
سافرت وقولت أهي اتحلت
حبييتي في قلبي محفوظة
هكون نفسي وارجعلك
بنيت الطوبه فوق طوبه
ومرت بس ٦ شهور
نزلت لقيتها مخطوبه
وباعت كل شيء قلناه
وهانت عليها الذكريات
صحيح العمر مش عدا
ولا قطر الحياه كان فات

ملعون أبوهم ٦ شهور
وفات قبل الوعود غيرهم
لكن يا خسارة متهنتش
ولا دام الفرح وفرحت
فأحسنلك متتعشمش
متحبش

ما قبلك ياما ناسوا حبوا
وناس سهرت
وناس اتواعدوا في الكفيزات
وناس سافرت وناس عافرت
لكن بالوقت كل ده بيبوش
وياما في القصص أوهام
ونفس القصة فيها وشوش
دا اسم القصة قصة حب
سمعنا وعيشنا فيها يومين
ومر العمر وكبرنا

وبنحقق في أحلام وهم
شباب لسه لكن شبننا
وشاب قلبنا من الهم
نصيحة بس لو حبيت
ياريت تهتم!

قالوا محنة

واحنا طبعاً زي ما احنا
ثابتة ملاحنا وجروحنا
حتى روحنا ناقصة روحنا
جينا يامه ويامه روحنا
نفس مشاكلنا القديمة
عمرها مشفتني طيب
عمري يوم ما دخلت سيما
عمري يوم ما حضنت يد
بس حبيتك مجد
كنت بشبهلك سعيد
قلبي حبك من بعيد

ولا عمره قرب ولا عمره جرب

طعم خدك لو تحني

قولي ليه سبتيني وحدي

وأنتي فعلاً حته مني

حرب مع النصيب

أنا كنت ماسك فيها
 وكنت رافض يومها أسيب
 لكن النصيب كان صاب
 والجرح كان إسفاف
 دلوقتي أصبحت بخاف
 لما اسمع كلمة الحب
 كل القلوب بتدوب
 لما العيون بتحب
 لكن النصيب لو زار
 يقطع موده وحب
 فبلاش تحب بشوق
 وترجع تلوم ع الحب
 ويبقى الندم عنوان

وجروح كثير في القلب
والوش بقي بهتان
والله أدمنتها
وقلبي رافض النسيان
أصبحت عايش جسد
وخالي من غير روح
فرح النصيب فيا وبدل حنيني جروح
حبيبتني كات ليا
سكن منين ما أروح
سابت طريق حبها
لجل النصيب قالها
إن الي الحب ما نال
وإن القلوب متكسرة
وإن الوعود بتموت
فبلاش تحبي وتعشقي
خليكي واثقة وصدقي

مش كل قصة حب كات بتعيش
 ولا كل عاشق بنى عش يسكن فيه
 المخج ساب نانا ووصفها في أشعاره
 الشعر ساب داره لجل إنه يتخبي
 كتب كتير عنها وكان جزائه الكسر
 وكان للنصيب الفوز وأخذ وسام النصر
 ولعنها في باقي الشعر والشعر خد تاره
 ودلوقي بنى نفسه بخطامك لما فارقتيه
 والشعر رجع يوم ما انكسرتي لداره
 ودلوقي أنا شاعر
 والشعر كان أسلوبي في مدحك
 بكتب كلام علي ورق ووصف في تفاصيلك
 دلوقي والله يا جميلة بدعيلك
 إنك تنولي من العذاب فترات
 أنا عشت بس عشان أشوف كسرتك
 وأشوف عيونك والدموع فيها

أنا لسه برضوا القصة برويها
وبكتب كلام عن واحدة فارقتني
والذكرى عايشة ورافضة تمحيها
والقلب شايل م الكلام دواوين
كل السطور بكتبها بالأفراح
تنهي معايا بسطر آخره حزين
لو كل حب نهايته فيها جروح
هفضل بشعري أبوح
واكتب بحبر يسيل
وأنثر كلام علي الورق
لكل حب اتهان
ولكل قلب اتسرق
ولقلب شاف تعذيب
أنا هفضل ليكوا تاير
بجارب في النصيب

أنا مين فينا

الصبح بكون حد تحبه
 ترتاح لو تحكي معاه ثانية
 بالليل بتظهر أعراض
 قوة بتتحول فجأة لضعف
 وتشوفني مكسور الخاطر
 ورغم الي دافنه جوايا مش بنطق حرف
 وتشوفني تقول لأ مش هوا
 الثاني اتهد طار في الدخان
 الثاني جبان
 إنما بنشوف ده مش هوا
 الضحكة بتطلع من جوه

والتاني بهتان من ضعفه
وصراخه سامعينها بقوة
في ناس عرفتني أنا مين فيهم
وناس بتسأل مين هوا

جاوبيني لو مرة

أنا نفسي بس أعيش حياتي
وانسى الحياة المرة
ليه ساكتة ع الفرقة وسايبه الحياة بتضيع
ليه محسساني بإني مش فارق
ما إن كنتي حابه البعد صارحيني
مشعلقاني ليه ف حبال كانت دايرة
رغم إني جمبك دائماً وروحك كانت غايبة
سيباني ع الهامش
علي نقطة وسط السطر
لا اسمعي وفوقي أنا لسه فيا الروح
لسه الحياة قدامي وهشوف كتير غيرك
وأشوفي واحدة عفيفة ترد فيا الروح
والقلب مهما يشيل هيجيله يوم يخلى
وينسى بمرور الوقت

فراقك ليا صحاني مموتنيش
أكيد أنا كنت شارب لما حبيتك
لما أنتي خوفتي ف حضني خبيتك
حسيت ساعتها يا بني هحيمي
اتحديت عشانك وكنت أنا باقي
وأنتي طعنيتني برمح اسمه نصيب
طب ليه بنوعد لما احنا مش باقين
ليه بنتواعد ونتقابل ونسكت لما بنشوف بعض
ونرسم نفسنا أطفال ونضحك لما نتكلم
وفجأة الدنيا تخلا بي وابقى وحيد وبتألم
عشان سبتيني ومشيتي وجالك غيري واتقدم
أنا عارف إنك وافقتي عليه بدون تفكير
وإن الحلم كان ليا ومش ليكي
سنين الحب دي كدبة يدوب هما شويه وقت
وليا الشكر وتحية
كانت شيفاني صديق مخلص

ف وقت الحزن تكلمني تقولي ارتحت
 ووقت الفرح أكلمها تقولي فرحت
 ولما الدنيا تخنقها وتيجي عليها بحميتها
 وبتعب يوم والتاني واجري عليها أفرحها وأهنيها
 وأصبر نفسي بالضحكة الي ترسمها
 واكتب شعر وأوصفها
 مكنتش ف لحظة متخيل إني اكتبلك ليه سبتيني
 رغم إن كلامي فأشعاري كان آخره
 حبيتك وحافظي علي حبي ومتسبنيش
 دلوقي سبتيني بجرأة
 مش فارقة معاكي أموت وأعيش
 يبقي أنتي كمان برا حياتي وفعلاً أنتي متستاهلش
 كنت بقولك جاوبيني لو مرة دلوقي خلاص متلزمينش

حد مختلف

يوم تحس إنك خفيف..
تبقى طاير زي بلبل بالأغاني
يوم هاتبكي من قساوة كالرصيف..
تبكي أكثر لو حبيبك كان أنا
يوم هايبقى إنتظارك زي سيف..
تبقى حاطت ليه رقبتك..
وأنت مجني وأنت جاني
يوم هايبقى الشوق حرارة...
تنطق إن الشوق كواني
يوم هاتعطش للمحبة..
تبقى عاوز بس نظرة
لو دقيقة أو ثواني
احتلالك يوم ما هيفاجئك..هاترفع راية بيضا
والأسيرة هي روحك للأمانى..

والغريبة..
إن قلبك أيوا ينبض
بس نبضة لحد ثاني
وإن عينك أيوا شايقة..
بس كل الناس وكونها.. حد ثاني
وإنك أنت هاتبقى وسط الناس وساكت..
تبقى عاشق للسكوت..
رغم عشقك للأغاني
باختصار..
احتلالك يوم ما يحصل !
أنت يومها.. حد ثاني

حببتك

وشوفتك مرة حببتك بجد
داريت ف قلبي ومبينتش لحد
صممت إني ف يوم هكون ليكي
وأكون ممنون لو كلمتك
أولمست ايدي طرف ايديكي
ف سبي نفسيك وقربي
أنا مجنون بمعالكي
ياوردة ف قلبي بتفتح
جناين رقة وطياية
ياروح ساكنة ملاك طائر
دانا من كتر تفكيرى بقت شاعر
حولت اكتب بأيدي جواب
لقت مطلع قصيدة شعر
كتبت اسمك علي جوابي

ياروحي أنتي الي حبيتها
 ويا ما مشيت قصاد بيتها
 وشوفت الضحكة والرقعة
 وشوفت كمان براءتها
 لقيتها وردة جذبتني
 وسابت فيا ريحتها
 وعطرها لسه ساكني
 وأنا ساكن قريب منها
 يا قلبي كفاية والله أنا باين عليا الشوق
 بعث رسالة مكتوب فيها
 صباح الورد والياسمين
 علي أجمل عيون حلوين
 علي الشمس الي نورها كيان
 علي البدر الي نورني ونورلي طريق البر
 أنا عاشقك حاولت أصبر لكن مضطر
 ونفسي أشوفك مراتي،،

فقلولي بس رأيك ايه و تحياتي
وقلت خلاص هستنى رسالتها
وقلت أمشي قصاد بيتها أشوفها قبل ما اسمع رد
مشيت ولمحت بسمتها
لقيتها كاتبة لو حابب أدخل م الباب
وكفاية حنين وكفاية عذاب
قلتلهما يعني أنتي موافقة
قالت أقرب أسأل أهلي
حمد قلبك مش تستغرب
أنا حبيتك لما لقيتك
طول الوقت بتمشي وحيد
لا أنت مصاحب ولا متعاطف
ولا شوفتك مرة بلون زايف
قرب خبط وأنا هفتحلك
أنا قلبي خلاص بقى مرتاحلك
قرب خلي الفرحة تجينا

وتنور بيتنا وأهالينا بعنت تاني وقالت قرب
قلت خلاص أنا جاي مع أهلي
شوفتها جمبي وكأني أول مرة أشوفها بعيني
طولت الوقت بشوفها بقلبي
وقرينا فتحتنا،،،،، ولبسنا دبلتنا
ودارت الأيام،،،،، وجت خلاص بيتنا

وحشتيني

مكنش في بالي واللّه تفارقيني
مكنش في بالي بإنك تمشي وتسبيني
كأنك داء سكن روحي
ومش لاقى لحالي دواء
مسيرها في يوم هتتحل
حياتي مسيرها تتعدل وتتجمل
وارجع تاني للبهجة وشخص سعيد
أقابلك تاني في الشارع
وأقولك برضوا علي المواعيد
فتبتسمي وجوه خيالي تترسمي
وأشوفك طير جميل أبيض
بيسكن عشه جوف قلبي بجبك
فسيبي حبل أوجاعي وحبيني
وحشتيني

زمان حبيننا واخترنا
 لكن كان للقلوب قرارات
 ووجهة نظر النصيب كانت مبتشجعين
 قالولنا برضوا أيامها فراق الحب مبيجوعش
 فمتصدقش
 ده وجع الحب شيء قاسي
 في قبلك شاعر اسمه هشام
 محبش قلبه غير نانا
 لكن صابوا النصيب أوهام
 وفجأة فراقه جه خيانة
 محبش يومها بالفرقة
 وزاد جرأة وخباهها في قصياد تغلب النعسان
 وحكى عنها
 ودار العمر والتجوز وعنده ملايكة تشبهله
 وقرر إنه يومها يسيب
 بلاش تعذيب وفكر قولي ايه الحل

بقيت مختل
وشخص مَل من الأحران
بقيت تعبان وعندي فوييا من المخاليق
وسهل بسرعة خلقي يضيق
وبتعصب وبتخانق بدون داعي
وبشبه صورة معكوسة
باهتة وطافية من الألوان
بقيت تايه ومتغرب فحبيبي
وحشتيني

كان ممكن تبني لي حياة

كتبت لحبيبتى جواب
 كتبت حبيبتى حيني
 أنا عاشقك فضميني
 وبادليني محبه وشوق
 حبيبتى لو يطول بعدك
 بحس كأني متغرب
 بشوفك فجأة ف بقرب
 بلاقي قلبي زاد في الدق
 بحس بإن عندي جناح
 وطاير فوق
 محلق في السما كسحاب
 بشوف الدنيا تحلالي
 وتحلى في عيني عشاقها
 بعدي من قصاد بيتها

وأشوفها واقفة علي بابها
بحس كياني لونه مخطوف
بتجراً وبغازلها ومبهتمش بمبدأ خوف
حببتي حياة بترسمي
وبرسمها وبوصفها بأشعاري
حببتي نجمة شغلتي وملتي
بعادها عني خنقة وموت
نفسى أضمرها بين أحضاني
لامتى هسيب القطر يفوت
نفسى أنا وأنتي نعيش وحدينا
ويكون بيتنا وسط جزيرة
نبني حياتنا بطريقتنا
ونعافر علي شيء يحينا
نفسى أغمرلك وتبادليني
أعشق صورتك فتحبيني
نفسى في بيت يجمعنا أنا وأنتي

ونكمل مع البعض السكة
حتي العشاق هيزيدوا اتنين
والكفهيات برضوا هتتكلم
ويقولوا بقى عنده حبيبة
كان ييصدعنا بكلماته
ويعاتب نفسه وهو وحيد
الدنيا دي برضوا غريبة
وعجيبة وملهاش وصف
عشانها سافرت واتغربت
كونت نفسي وقلت أنا راجع
هتحضن إيدي كف إيديها
يبان كلمه فرح في عنيتها
وأعوض تعبي في الغربة
بكلم أهلي بالصدفة
ويقول خلاص أنا نازل
خبطوا بس علي بيتها

قولوها بس رأيك ايه
قالولي هيا مخطوبة
قفلت السكه من وجعي
وعيني سكنها بحر دموع
بقي كل شيء جوايا باهت
وقلت خلاص مفيهاش رجوع
مبقاش في حد بيسمعنا
حبينا ودوسنا علي وجعنا
وضاع العمر وضعنا معاه
لو كنتي استنيتي شوية
كان ممكن تبني لي حياة

خطاب ليكي

وهبداً ف الخطاب ليكي
 كلام مني يداويكي
 وأقول لدنيا عن حي
 وعن عاشق يتوه فيكي
 ياروح شدتني ملكتني
 ياقلب شالني بقيت جواه
 وبتغندر بالحنانك
 وبرسم جوا منه حياة
 ولو يتعب ف يوم قلبي
 يكون النبض منك دواه
 أنا بالوصف هحكيلكم
 وهحكي عنها بالكلمات
 وأقول لدنيا مين هيا
 صديقة الدرب والمسافات

شفافيفها بتهمس نغم
وصوتها دوب الكلمات
خدودها زي لو الطيف
عيونها لوحدها حكاية
وروايا وقصة ملهاش وصف
هتوصف ايه ف عين تتجمل
لومحت رومشها الشمس
حبيبتى صعب فيها الوصف
بتشبه كوكب المريخ
أنا سامع كلامها غنا
وشايف حبنا كصرخ
بيعلي بصوته أنا عاشقك
وتعلي بصوتها أنا عاشقك
يدوم الحب والإحساس
وأعيش أيامي بس معاك
وهنهي خطابي بدعائي

وأقول للمولى يحمينا
ويبارك ف الي هيجينا
ويرزقنا الرضا والستر
ويبقى نصيبنا ف الجنة
يكون لو متر حتي ف متر..

ياليل حاسب

مش كل البشر عاشقين
ولا كل القلوب طاهرة
في الي بيحب بضمير
وفي الي همل
في الي كمل
والي جمل
والي حمل
والي سهر الليل يواسي
والي كان زعلان وناسي
ياما ناس حب وادبت
وياما ناس فارقت وسابت
والحياة ماشية وعادي
في الي قرر غصب عنه
وفي الي كان بالحكم راضي

لسه برضوا قلوبكوا سايرة
والنصيب مبقاش يصيب
لسه متحاطين في دايرة
والقمر قرب يغيب
بكره تطلع شمس أدفا
بكره يومكوا يكون سعيد
قالوا في القلوب مودة
والحبايب سكنوا جوفنا
لسه برضوا القلوب بتجري
لناس اصروا يزيدوا خوفنا
قلتلك حاسب ياليل
مش كل البشر عاشقين
ولا كل القلوب طاهرة

اختيار

العاشق بات مجروح علشان مخترش
والروح سابت جسد علشان حلاوه روح
تاهت ف مكان مش ليها
تاهت من روحها وأهليها
علشان حبت روح مش لونها
واختارت واحدة مبيديها...
عن واحدة حجابها مغطيها
الروح والقلب اختاروا طريق آخره فشوش
واحدة جمالها ف نظرة قمر لبستله وشوش
كان صادق جداً ف كلامه
كان راسم نفسه ف أوهامه
شخصية ف فلم قديم
كان شاعر برضو بيتكلم ويقول أشعار
ويغني ف آخر الليل ليها وكأنه حلیم

كان ينجل لما يشوف ضحكتها
 كان يحلم بيها ف نص الليل
 كان ماشي وف جيبة صورتها
 كان يسرح طول الليل ف مكان اتجمعوا فيه
 كان واهم نفسه طول الوقت
 إنها بتحبّه وهتكون ليه
 أصحابوا سابوه وعابوه
 علشان اختار طريق النار
 كان فاكر إن طريقه آخره نور
 أصبح مذلول احتار وانهار
 بقي طعم الدنيا مرار
 مش قولنا اختار
 هيا سابت لما دابت ف الي منها
 نسيت فضلك عليها ونسيتك
 كنت فاكرها حبتك
 سابت طريق الحب علشان ميشبهاش

شيفاك متعيشهاش، حابه المظهر والظيطة
وأشكال مرسومة علي الحيطه بألوان الطيف
سامحها متظلمهاش
الذنب مش ذنبها أنت الي اختارت ومش قدرت
ف متشكيش
خليك كاتم وجعك ومتحكيش
وانسى إنك حبيت
ولو في ف قلبك لسه مكان فاضي اختار
بس الأول أحسن ذوقك واحسن الاختيار
وانسى إنك بايت عاشق مجروح
واختار طريق تظمن فيه يردلك الروح

جرح قديم

يا جرح قديم أنا بنجيه بينهش كل تفاصيلي
ياخذني لعنمة وصوت لصراخ
فبلاقي الأوضة عليا تضيق
وشروخ في الحيطه بتظهرلي
فخيالي بيسرح وأفضل أعيد
كل التفاصيل
فبلاش تلمس جرح قديم
لأن الصرخة مكتومة
فمهما تقول ومهما تعيد
مفيش مواعيد مفيش هيا
لأن حبيبتي ظهري
بصورة شبه جنية

متسبنيش

وقت الفراق صعب الوعود تتصان
ومن يوم فراقنا أصبحت شخص جبان
مستني الليل بفارغ صبر
مستني كفن ويروح ع القبر
مضيع وقته وتفكيره
يخرج يقعد علي قهوة
يطلب فنجان قهوة سادة
مع إنه بيشر بها زيادة
يحرق دمه ويكتب أشعار
يكتب بأقلام جاف وبيشخبط
يكتب حبيتك يتلخبط
بقت سهلة معاه محبتكيش
يروح بهومومه لمكان عتمة
وتسالي العالم متكفيش

بقى عقله شيطان بيصور له حاجات مش ف الواقع

ويقوله اختار

واختار الموت ف طريق معوج

يبدأ يسكر يسرح ف حاجات

مع إنه طريقه آخره ممات

وف نص طريقه فجأة يموت

يتشال ف تابوت والناس تترحم فترة عليا

وساعة حداد

والعزا يتشال

والأهل بعد الأربعين يبتدوا ينسوه

بقى م الذكرى

فراقك عني هيوصلني للذكرى

وأكون منسي

فمتسبنيش

بلاش نسوء صورة الحب علشان غلطة

خلينا نرجع ثاني البعض

نحقق ف الكام حلم بتوعك
ونوفي الوعد
خليكي معايا أنا منغيرك صعب أعيش
خليكي معايا دانا روحك متسبنيش

أنا مليت

أنا مليت من الوحدة الي ملهاش طعم
 بقيت باهت وبشبه صورة مكسورة
 حياتي عاتمة مفهاش نور
 سجائري أحرقتها علي الفاضي
 وبستان أرضي أصبح بور
 حياتي بحر كله خمور
 وحببتي الي حبيتها
 سابتنى لجل شاهد زور
 بيشهد بإني محبتهاش
 بيوصف جي لخيالها
 كأنه طريق ماليه الشوك
 بعدتي في لحظة وسبتيني
 مش قولتي زمان بتحبين

أُتغير ليه وريد القلب
وأصبح يبيضخ الدم ببطء
مش لاقى طريق يبقالي نجدة
أنا نفسي ارتاح
باب أحلامي مسدود
وقطر الحياة ييفوت
الدنيا دي عجيبة
بتوهمنا بالحب
فجأة النصيب ينزع
تدينا اختبارات ونملحق
والقطر بيعدي ولا بنلحق
أحلامنا بتقلب علي أوهام
بقينا بنسرح ولا بنام
ولا أي كلام بيداوينا
جراحكوا لينا بتكويننا

البعد حرام والوحدة مرار
أنا بعد ما قولت خلاص حببت
دلوقتي بقول والله مليت

عمري وياكي

ياللي الفرح ابتدى من يوم ماقابلتك
لما لمحتك صدفة بتشتري ورد
كل الورد حمر خدوده
وقلبي ساعتها زاد في الدق
وعشقت عيني نظراتك
ياللي سكنتي بطيفك دري
قولت وربي لكونلك درب
وابقى معاكي وأخطف قلبك
فجأه قابلتك قلت بجبك
وأنا همشي لكن اسمع رد
شوفت البسمة رسمها العقل
كنت بغمض عيني وأشوفها وأحلم بيها
كنت أفرح لو لمحت عيني طرف عنيتها
فرحت هيا لما بعت جواب مع وردة

واحدة في واحدة بقينا جسدين
سكناهم تفاصيل روح واحدة
واتوحد قلبها مع قلبي
من غمزة جت بعين واحدة

أنا منكسرتش

سبتي قلبك وسط جوفي سنين عجاف
كام سنة أنا كنت أحبك دون ما أخاف
كنا تشارك بكل تفصيله في حياتنا
كنا راسمين حلم بكره كنا فكرة
كنت بحكيلك مشاكي
وكنتي بداوي جراحي
والسنين الي معاكي رسمت فيها خيال لبيتنا
حب عشناه كام سنة أتحول لذكرى
ضعتني مني بدون مبرر صبحتي نكرة
رغم إني صبحت عاجز وكل شيء فيا انخلي
وصبحت تقريباً حد ثاني مش أنا
فين الحنين الي عشناه واتوصف
فين الليالي الي ذكرناها بالهنا
شوفي أنتي فين وبقيتي ايه

وياريت لو طيفي زارك تسألني عني أنا
 أنا اللي صبحت بعدك في الفراق مكسور
 وأنا اللي طفيتي شمعة لما شفني في عينة نور
 وأنا اللي صبحت ذكرى وطيف
 وحد كيف عايش طول الوقت في عتمة
 حابس نفسه ما بين الحيط
 شروخ قلبه من الأوجاع
 ابتديت تظهر شروخ علي الحيط..
 أنا كنت بسأل كل طيف شارع عليكي
 وكنت بتمني اللقي في الحلم بيكي
 وأنتي انتصرتي بحكمك إنك متكونيش
 أنا كنت باقي وكنت بفرشلك ورود
 عملتي حاجز وهدمتي بستان الوعود
 فجأة مشيتي بعد ما سكنتي في جوفي
 هدمت حلمي وفضلت عايش وسط خوفي
 أصبحت طيف بيعدي على المخاليق

إنسان رقيق همس المشاعر لو يجرح يكسره
مبقتش بشبه نفسي من أربع سنين
لما قلتلك بحبك قولتيلي أنا روجي فيك فجأة غبتي
هدمتي كل الي اشتريته بعمرى ليكي
سكنتي جوفي وكنت مختارك حروفي
كنت حلم جميل فلحظة اتضح إنه كابوس
رغم إني حاربت لجلك بس يا خسارة منتصرتش
وأنتي حبك كان لي درس
والدرس لازم يبقي فيه بعض النصائح
والدرس منك هزني أنا منكسرتش

مساؤك ورد

يا ورد جميل طلعك شوك
 بقيتي بتأذي البستاني
 مع إنه اختارك أنتي معاه
 ونسي نفسه بعطرك وجمالك
 ووهبك روحه مجاني
 شوكتي الأيد الي اتمدت
 وبقيت في القصة أنا أناني
 بالوصف أنا بتكلم عنك
 ولو فاكرة إن أنا هنسي جراحك
 وهسامحك علي أنتي عملتيه
 والله ده بعدك
 ده الجرح الي بسبك مش لم
 ولا يوم هسمحله بإنه يلم
 أنا لسه بعاني وهعاني

مش قولتي عليا أنا أنا في
يا جميلة اسمعي بس كلامي
هيجيلك يوم
هتحتسي بطعم العيشة مرار
هتشوفي النار تحرق فيكي
هتدوفي من نفس الكاس
الي ادتهولي بإيديكي
وهيجي اليوم خليكي فاكرة
أنا بس ساعتها هكون مرتاح
وساعتها أنا هقدر انساكي
الجرح الي اتسببت فيه
هقدر أداوية مع أحزانك
بتقولي عليا إن أنا بايع خاين وبغيب
دي اللحظة الي أنتي مشيتي فيها
أنا كنت ماتبت في ايديكي وايديكي بتسيب
بزيادة مجد

بزيادة قساوة وانسيني
 مش لازم كل كلامك أذكر فيه
 وتحكي لصاحبك عني وتفتكريني
 وتقولي هجرني وكسرني
 وأنتي الي ملاك عمره ماجرح
 والله بجد حاجة تفرح
 طلعتي أصيلة وكلك زوق
 طب أقولك كلمة في سطر كمان
 بكره الي بسبك هيعودلك
 وخيالك همحيه من علي الأرض
 وهقابلك والبسمة في وشي
 وأقولك مسائك ورد

محتويات الكتاب

5	إهداء
6	إهداء ليكوا
8	وجع القلوب
11	يوم فراقك
14	الحزن زاد
19	مساء الخير
22	أعراض إدمان
25	كلام مدفون
27	حالة لا مبالاة
30	اسمعنا يا ليل
32	أنا بدونك صبحت كفيف
35	كويس بس من بره
37	بهواي
41	وأنت نايم

42	يارتني ما حببت
46	بجبك
48	ياريت تهتم!
52	قالوا محنة
54	حرب مع النصيب
58	أنا مين فينا
60	جاوبيني لو مرة
63	حد مختلف
65	حببتك
69	وحشتيني
72	كان ممكن تبنيلى حياة
76	خطاب ليكي
79	ياليل حاسب
81	اختيار
84	جرح قديم

85	متسبنيش
88	أنا مليت
91	عمري وياكي
93	أنا منكسرتش
96	مساؤك ورد
99	محتويات الكتاب

تم بحمد الله

أحزان حية

ديوان شعر بالعامية

أحمد جمال



الطبعة الأولى

1442 هـ - 2020 م

دار ديوان العرب للنشر والتوزيع

مصر - بورسعيد

جوال: 00201211132879

E-mail: mohamedhamdy217217@gmail.com